



Llywodraeth Cymru  
Welsh Government

CYHOEDDIAD

# Hysbysiad cydymffurfio safonau gwasanaeth Cyllid Myfyrwyr Cymru

Adroddiad ar gydymffurfiaeth Cyllid Myfyrwyr Cymru â'r safonau gwasanaeth a osodir ar Weinidogion Cymru gan Gomisiynydd y Gymraeg.

Cyhoeddwyd gyntaf: 8 Chwefror 2022

Diweddarwyd ddiwethaf: 8 Chwefror 2022

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Ewch i <https://llyw.cymru/hysbysiad-cydymffurfio-safonau-gwasanaeth-cyllid-myfyrwyr-cymru-html> i weld y fersiwn ddiweddaraf.

Gwybdaeth am [hawlfraint](#).

# Cynnwys

## Cyflwyniad

### Cydymffurfiaeth Cyllid Myfyrwyr Cymru

### Hyrwyddo gwasanaethau

### Hwyluso defnydd gwasanaethau

## Cyflwyniad

Mae'r Cwmni Benthyciadau i Fyfyrwyr yn gweithredu gwasanaeth Cyllid Myfyrwyr Cymru ar ran Gweinidogion Cymru. Mae gwasanaeth Cyllid Myfyrwyr Cymru yn gweinyddu cymorth i bob myfyriwr sy'n byw yng Nghymru. Mae'n rhaid i wasanaeth Cyllid Myfyrwyr Cymru gydymffurfio â'r safonau gwasanaeth a osodwyd ar Weinidogion Cymru gan Gomisiynydd y Gymraeg yn yr hysbysiad cydymffurfio a welir yma.

Mae'r safonau wedi eu gwreiddio yng ngwasanaeth Cyllid Myfyrwyr Cymru ers peth amser bellach, ac maent wedi dod yn realiti gweithredol i'r Cwmni Benthyciadau i Fyfyrwyr. Yn unol â Safon 157, mae Llywodraeth Cymru wedi cynhyrchu'r adroddiad canlynol.

## Goruchwyllo cydymffurfiaeth Cyllid Myfyrwyr Cymru â'r Safonau Gwasanaeth

Er mwyn sicrhau bod Cyllid Myfyrwyr Cymru yn darparu gwasanaeth o ansawdd

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Ewch i <https://llyw.cymru/hysbysiad-cydymffurfio-safonau-gwasanaeth-cyllid-myfyrwyr-cymru-html> i weld y fersiwn ddiweddaraf.

Gwybdaeth am [hawlfraint](#).

uchel ar y cynnig cyntaf i'w gwsmeriaid Cymru yn yr iaith o'u dewis hwy (Cymraeg/Saesneg) bob amser, mae Cyllid Myfyrwyr Cymru wedi sicrhau bod y Gymraeg yn rhan annatod o'u prosesau a'u systemau.

Mae swyddogion o'r Is-adran Addysg Uwch yn goruchwyllo cydymffurfiaeth Cyllid Myfyrwyr Cymru â'r safonau gwasanaeth Cymraeg. Mae cyngor, cymorth a chefnogaeth wedi ei roi gan dîm Safonau Llywodraeth Cymru, sy'n gyfrifol am oruchwyllo cydymffurfedd Llywodraeth Cymru â Safonau'r Gymraeg.

Mae swyddogion Llywodraeth Cymru yn cyfarfod â'r Cwmni Benthyciadau i Fyfyrwyr yn gyson i drafod Cyllid Myfyrwyr Cymru a pherfformiad y gwasanaeth. Darperir ystadegau ynghylch nifer y ceisiadau Cymraeg am gymorth i fyfyrwyr, amser prosesu'r ceisiadau hynny a'r nifer sydd wedi edrych ar y tudalennau cymorth a chanllawiau yn Gymraeg ar y wefan. Mae hyn yn caniatáu i ni sicrhau bod cwsmeriaid sy'n dymuno cael gwasanaeth Cymraeg yn derbyn hynny, ac nad ydynt yn cael eu trin yn llai ffafriol na defnyddwyr y gwasanaeth Saesneg.

Mae Cyllid Myfyrwyr Cymru yn darparu llinell gymorth hollol ddwyieithog, sy'n sicrhau bod cwsmeriaid sy'n dymuno trafod achos â Cyllid Myfyrwyr Cymru yn gallu gwneud hynny, mewn iaith o'u dewis.

Mae prosesau busnes yn cael eu gwirio yn gyson er mwyn sicrhau bod unrhyw ddogfennau neu erthyglau'n cael eu cyhoeddi ar yr un pryd ar y wefan Gymraeg a'r wefan Saesneg. Mae'r cyfryngau cymdeithasol yn cael eu monitro i sicrhau bod negeseuon yn cael eu cyhoeddi yn Gymraeg a Saesneg.

Mae cydymffurfedd â Safonau'r Gymraeg yn cael ei drafod yn ystod cyfarfodydd monitro â swyddogion Llywodraeth Cymru. Mae pob maes busnes o fewn y Cwmni Benthyciadau i Fyfyrwyr yn gyfrifol am gydymffurfio â'r safonau sy'n berthnasol i'w maes. Ar lefel gorfforaethol, gofynnwyd i'r Cwmni Benthyciadau i Fyfyrwyr nodi unigolyn fel Perchennog y Gwasanaeth Cymraeg. Bydd hwnnw yn cymryd cyfrifoldeb am y Gymraeg ledled meysydd busnes a gwaith y Cwmni Benthyciadau i Fyfyrwyr a yn cydweithio a Rheolwr Gweithrediadau Busnes Cyllid Myfyrwyr Cymru i fonitro cydymffurfedd gwasanaeth Cyllid Myfyrwyr Cymru.

Pan fo newidiadau i'r system neu'r broses yn cael eu hystyried, cyfrifoldeb y

**Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.**

Ewch i <https://llyw.cymru/hysbysiad-cydymffurfio-safonau-gwasanaeth-cyllid-myfyrwyr-cymru-html> i weld y fersiwn ddiweddaraf.

Gwybdaeth am [hawlfraint](#).

Cwmni Benthyciadau i Fyfirwyr yw gwneud asesiad o'r effaith ar y Gymraeg er mwyn sicrhau nad oes effaith andwyol neu ganlyniad anfwriadol yn digwydd i'r ddarpariaeth Gymraeg. Mae'r Cwmni Benthyciadau i Fyfirwyr yn cynnal cofnodion er mwyn sicrhau cydymffurfedd â'r safonau ynghylch cadw cofnodion a'r safonau gweithredol.

Dosberthir arolygon myfirwyr i bob defnyddiwr gwasanaeth yn eu dewis iaith. Defnyddir data a gesglir mewn ymateb i'r arolwg myfirwyr i wneud gwelliannau lle bo angen.

Ar hyn o bryd, mae Llywodraeth Cymru yn comisiynu arolwg cydymffurfedd llawn, yn erbyn pob un o'r safonau gwasanaeth yn yr hysbysiad cydymffurfio. Disgwylir i'r gwaith ddechrau ym mis Chwefror 2022, a bydd casgliadau'r adolygiad yn ei helpu ni a Cyllid Myfirwyr Cymru i gryfhau ein hymrwymiad i ddarparu gwasanaeth dwyieithog, sy'n gywir ar y cynnig cyntaf, i gwsmeriaid Cymru. Bydd yr adroddiad cydymffurfedd hwn yn cael ei ddiweddarau wedi i'r adolygiad gael ei gwblhau.

## Hyrwyddo gwasanaethau

Mae'n bwysig bod cwsmeriaid Cyllid Myfirwyr Cymru ac unigolion sy'n chwilio am wybodaeth ar gynnyrch cyllid myfirwyr, yn deall bod gwasanaeth Cyllid Myfirwyr Cymru ar gael mewn iaith o'u dewis (Cymraeg/Saesneg).

Mae Llywodraeth Cymru a Cyllid Myfirwyr Cymru yn hyrwyddo'r gwasanaeth dwyieithog yn gyson, gan dynnu sylw at y ffaith bod croeso i gwsmeriaid ddefnyddio'r Gymraeg wrth gyfathrebu. Mae negeseuon i hyrwyddo'r gwasanaethau Cymraeg ar gael drwy'r flwyddyn, ond rhoddir hwb arbennig iddynt cyn dyddiad lansio'r gwasanaeth ar gyfer y flwyddyn academaidd, pan fo cwsmeriaid yn fwy tebygol o chwilio am wybodaeth ynghylch gwneud cais am gyllid i fyfirwyr.

Atgoffir myfirwyr y gallant gael gafael ar eu cyfrifon, gwneud cais ar lein a chyfathrebu â chynghorwyr Cyllid Myfirwyr Cymru yn Gymraeg os ydynt yn dewis gwneud hynny, drwy negeseuon a fideos ar y cyfryngau cymdeithasol.

**Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.**

Ewch i <https://llyw.cymru/hysbysiad-cydymffurfio-safonau-gwasanaeth-cyllid-myfirwyr-cymru-html> i weld y fersiwn ddiweddaraf.

Gwybdaeth am [hawlfraint](#).

Mae negeseuon ar y cyfryngau cymdeithasol yn cynnwys baner Cymru er mwyn ategu bod y gwasanaeth ar gael yn Gymraeg.

Mae llinell gymorth Cyllid Myfyrwyr Cymru yn gweithredu system awtomatig lle mae gofyn i'r sawl sy'n galw wneud dewis iaith i barhau â'r alwad.

Mewn achos pan fo myfyriwr yn dymuno cwyno am y gwasanaeth a gafodd, mae'r Cwmni Benthyciadau i Fyfyrwyr wedi cyhoeddi gweithdrefn gwyno sy'n caniatáu i fyfyrwyr gyflwyno'u cwyn mewn iaith o'u dewis hwy.

Mae holl gynghorwyr llinell gymorth Cyllid Myfyrwyr Cymru yn siaradwyr Cymraeg. Gweinyddir gwasanaeth Cyllid Myfyrwyr Cymru o swyddfa Llywodraeth Cymru yng Nghyffordd Llandudno ac mae ganddi bolisi Cymraeg yn gyntaf yn y dderbynfa. Anogir staff nad ydynt yn delio â chwsmeriaid i ddefnyddio cyfarchion dwyieithog ac i annog defnyddio'r Gymraeg yn y gweithle. Mae cynrychiolwyr Cyllid Myfyrwyr Cymru sy'n darparu gwasanaeth Cymraeg wedi cael y bathodyn iaith Gwaith.

Mae'r Cwmni Benthyciadau i Fyfyrwyr yn dathlu Diwrnod Hawliau'r Gymraeg drwy anfon negeseuon at staff yn hybu ac annog defnyddio'r Gymraeg. Cyhoeddir y rhain ar ei fewnrwyd.

## Hwyluso defnydd gwasanaethau

Mae Cyllid Myfyrwyr Cymru yn cynnal gwefan Gymraeg a Saesneg. Mae modd neidio o un i'r llall ar bob tudalen.

Gall myfyrwyr wneud cais am gymorth i fyfyrwyr trwy gyfrwng y Gymraeg yn yr un ffordd ac y byddant yn ei wneud yn Saesneg. Gall myfyrwyr fynd at geisiadau ar-lein a chreu cyfrif ar-lein yn Gymraeg, ac, os ydynt yn dewis gwneud hynny, gallant gyflwyno cais papur yn Gymraeg.

Mae Cyllid Myfyrwyr Cymru yn cofnodi'r dewis iaith fel sy'n cael ei nodi ar gais y myfyriwr, ac yn creu nodyn yn y system i sicrhau bod unrhyw ohebiaeth, ac yn wir, pob gohebiaeth yn y dyfodol, sy'n cael ei anfon at y myfyriwr hwnnw yn cael

**Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.**

Evch i <https://llyw.cymru/hysbysiad-cydymffurfio-safonau-gwasanaeth-cyllid-myfyrwyr-cymru-html> i weld y fersiwn ddiweddaraf.

Gwybdaeth am [hawlfraint](#).

ei ddarparu yn yr iaith o'i ddewis.

Mae negeseuon ar y cyfryngau cymdeithasol yn hyrwyddo bod gwasanaeth ar gael yn Gymraeg yn cynnwys dolenni i'r wefan Gymraeg a'r gwasanaeth ceisiadau Cymraeg.

Mae'r Cwmni Benthyciadau i Fyfirwyr yn gweithredu llinell gymorth i gwsmeriaid sy'n byw yng Nghymru. Mae'r llinell gymorth yn awtomatig ac mae'r Gymraeg yn gyntaf, gan ofyn i'r sawl sy'n galw wneud dewis iaith cyn cario ymlaen.

**Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.**

Ewch i <https://llyw.cymru/hysbysiad-cydymffurfio-safonau-gwasanaeth-cyllid-myfirwyr-cymru-html> i weld y fersiwn ddiweddaraf.

Gwybdaeth am [hawlfraint](#).

## Ynghylch y ddogfen hon

Mae'r ddogfen hon yn gopi o'r dudalen we [Hysbysiad cydymffurfio safonau gwasanaeth Cyllid Myfyrwyr Cymru](#) a lawrlwythwyd.

Ewch i <https://llyw.cymru/hysbysiad-cydymffurfio-safonau-gwasanaeth-cyllid-myfyrwyr-cymru-html> i weld y fersiwn ddiweddaraf.

Efallai na fydd y ddogfen hon yn hollol hygyrch; darllenwch ein [datganiad hygyrchedd](#) i gael rhagor o wybodaeth.

Gwybdaeth am [hawlfraint](#).

**Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.**

Ewch i <https://llyw.cymru/hysbysiad-cydymffurfio-safonau-gwasanaeth-cyllid-myfyrwyr-cymru-html> i weld y fersiwn ddiweddaraf.

Gwybdaeth am [hawlfraint](#).